

საგარანტიო პირობა და ვადა

1. მიმწოდებელი იძლევა გარანტიას, რომ შესრულებული სამუშაო იქნება ხარისხიანი, სწორი ექსპლუატაციის პირობებში არ გამოავლენს დეფექტს და შეესაბამება სამუშაოს შესრულების ტექნიკურ დავალებასა და ამ დოკუმენტაციით გათვალისწინებულ სტანდარტებს და ნორმებს.
2. მიმწოდებელი ვალდებულია შეტყობინების მიღებიდან, შემსყიდველის მიერ მიცემულ გონივრულ ვადაში (მაგრამ არაუმეტეს 10 სამუშაო დღისა) განახორციელოს წარმოქმნილი ნებისმიერი დეფექტის (გაუმართაობის) აღმოფხვრა, შემსყიდველის მხრიდან რაიმე დამატებითი დანახარჯის გაწევის გარეშე.
3. შესრულებულ სამუშაოებზე საგარანტიო ვადა განისაზღვრება 1 წლის ვადით.
4. შემსყიდველის მიერ, ამ სატენდერო დოკუმენტაციის დანართი N3-ის შესაბამისად, მიმწოდებელზე გადასარიცხი თანხიდან გამოქვითული 5% საგარანტიო პერიოდის განმავლობაში რჩება შემსყიდველის ანგარიშზე შესრულებულ სამუშაოზე გამოვლენილი დეფექტების აღმოფხვრის უზრუნველყოფისათვის. მას შემდეგ რაც შემსყიდველი დაადასტურებს, რომ საგარანტიო პერიოდის განმავლობაში აღმოფხვრილია ყველა დეფექტი (ასეთის არსებობის შემთხვევაში) ან დეფექტები საგარანტიო პერიოდში არ გამოვლენილა, მიმწოდებელს დაუბრუნება დაკავებული თანხა შემსყიდველის დადასტურებიდან არაუგვიანეს 10 სამუშაო დღის ვადაში.
5. ნებისმიერი სახის დეფექტის გამოუსწორებლობის შემთხვევაში, დაკავებული თანხა მთლიანად რჩება შემსყიდველის ანგარიშზე.
6. მიმწოდებლის მიერ დაკავებული თანხის ჩანაცვლება შესაძლებელია უპირობო და გამოუხმობ „შესრულებულ სამუშაოზე გამოვლენილი დეფექტების აღმოფხვრის უზრუნველყოფის საბანკო გარანტიის“ წარმოდგენის შემთხვევაში, რომელიც გაცემული იქნება საქართველოში ლიცენზირებული საბანკო (სადაზღვევო) დაწესებულების მიერ და რომელიც უნდა შეადგენდეს მთლიანი სახელშეკრულებო თანხის 5%-ს. აღნიშნულ გარანტიაში მითითებული უნდა იქნას შესყიდვის კონკრეტული დასახელება, აღნიშნულ შესყიდვასთან დაკავშირებით გაფორმებული ხელშეკრულების ნომერი და მიმწოდებლის საიდენტიფიკაციო კოდი. აღნიშნული გარანტია ითვალისწინებს შემსყიდველის მიერ სათანადო წესით მოთხოვნილი ანაზღაურების გადახდას (გადარიცხვას) მოთხოვნისთანავე. გარანტიის მოქმედების ვადა მინიმუმ 30 კალენდარული დღით უნდა აღემატებოდეს სამუშაოს შესრულების საგარანტიო პერიოდს.

(თანამდებობა, სახელი, გვარი)

(ხელმოწერა)